



Bosnia and Herzegovina  
Federation of Bosnia and Herzegovina  
**CANTON SARAJEVO**  
**Ministry of Internal Affairs**

Broj: 01-7-02-2-1557/19  
Dana: 15.04.2019. godine

**SKUPŠTINA KANTONA SARAJEVO**  
**n/r predsjedavajućeg Skupštine**

**PREDMET:** Odgovor na zastupničke inicijative zastupnika Elvedina Okerića i Zvonka Marića, dostavlja se;

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"-Drugi novi prečišćeni tekst br. 41/12, 15/13, 47/13, 47/15 i 48/16), dostavljamo odgovor na zastupničke inicijative, koje su na Petoj radnoj sjednici Skupštine Kantona Sarajevo održanoj dana 27.02.2019. godine pokrenuli zastupnici Okerić Elvedin i Marić Zvonko.

**Prilog:**

-Akt Uprave policije broj.02/5-1-175/19 od 10.04.2019. godine  
-CD;



Ministar  
Admir Katica

**Dostaviti:**

1. Naslovu;
2. Stručna služba Vlade Kantona Sarajevo;
3. a/a.



web: <http://mup.ks.gov.ba>  
e-mail: [ministar@mup.ks.gov.ba](mailto:ministar@mup.ks.gov.ba)  
Tel: + 387 (0)33 286-701, 286-702,  
Fax: + 387 (0)33 226-445  
Sarajevo, La Benevolencije 16



**Bosna i Hercegovina  
Federacija Bosne i Hercegovine  
KANTON SARAJEVO  
MINISTARSTVO UNUTRAŠNJIH POSLOVA  
UPRAVA POLICIJE  
SARAJEVO**

Broj: 02/5-1-175/19  
Dana: 10.04.2019. god.

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
MINISTARSTVO UNUTRAŠNJIH POSLOVA  
SARAJEVO

Primljeno:	10-04-2019
Org. broj:	02-2-1557
Drugi broj:	

18.03.19

**MUP KANTONA SARAJEVO  
KABINET MINISTRA  
-n/r sekretara-**

**PREDMET: Odgovor na poslaničku inicijativu, dostavlja se,-**

Veza: Vaš akt broj: 01-07-02-2-1557 od 18.03.2019.godine

**Vašim aktom broj i datum veze, dostavljena je poslanička inicijativa zastupnika Elvedina Okerića na Petoj radnoj sjednici Skupštine Kantona Sarajevo održanoj dana 27.02.2019.godine i to:**

Podnosim inicijativu prema ministru unutrašnjih poslova i policijskom komesaru Uprave policije Kantona Sarajevo da u skladu sa svojim nadležnostima adekvatno nagrade policijske službenike koji su direktno učestvovali i doprinijeli da se uhvati višestruki ubica Edin Gačić, koji je bio opasan po sigurnost građana.

Obrazloženje:

Posao policajca je jedan od najčasnijih, najtežih i najzahtjevnijih poslova koji iziskuju svakodnevnu psihofizičku spremnost, te prihvatanje rizika koji nekad može biti koban za njih same. Policijski službenici moraju biti adekvatno motivisani kako bi mogli odgovoriti najtežim zadacima pa i kad im je život ugrožen. To ćemo postići prvenstveno pravičnim postupanjem prema njima a i adekvatnom reakcijom koja će biti pokazatelj zaštite, brige i zahvalnosti sistema za njihov rad i trud. Ne zaboravimo da u momentu dok je ubica Edin Gačić bio na slobodi bili smo spremni sve dati da se samo uhvati. Kako su ovi hrabri momci uspješno realizovali zadatak pronalaska ubice ne smijemo zaboraviti, već smatram da se trebaju što prije nagraditi najvećim priznanjem zbog njih samih a i zbog motivacije drugih kolega koji moraju vidjeti da se danas ipak isplati hrabar biti.

### **ODGOVOR NA POSLANIČKU INICIJATIVU**

U vezi sa dostavljenom poslaničkom inicijativom obavještavamo Vas da se postupak dodjeljivanja pohvala, nagrada i drugih priznanja vrši shodno Pravilniku o dodjeli pohvala, zahvalnica, nagrada i drugih priznanja organizacionim jedinicama i uposlenicima Ministarstva unutrašnjih poslova Kantona Sarajevo broj: 01-636-2/06 od 08.12.2006.godine, broj: 01-646/07 od 24.09.2007.godine, broj: 01-1067/12 od 24.08.2012.godine, broj: 01-593/14 od 14.12.2014.godine, broj: 01-114/15 od

04.03.2015.godine i broj: 01-496/16 od 30.12.2016.godine. Članom 6. navedenog pravilnika je propisano da predlaganje kandidata za dodjelu pohvala, nagrada i drugih priznanja vrše u pismenoj formi rukovodioci organizacionih jedinica Ministarstva na osnovu kriterija utvrđenih u navedenom pravilniku. Imajući u vidu da rukovodioci osnovnih organizacionih jedinica nisu dostavili takve prijedloge, policijski komesar nije mogao dostaviti konačno obrazložen prijedlog za dodjelu pohvala ili nagrada u vezi lociranja i pronalaska lica Edin Gačić. Naglašavamo da je u konkretnom slučaju bio angažovan veliki broj policijskih službenika Uprave policije MUP-a KS u saradnji sa drugim policijskim agencijama.

**Vašim aktom broj i datum veze, dostavljena je poslanička inicijativa zastupnika Zvonko Marića na Petoj radnoj sjednici Skupštine Kantona Sarajevo održanoj dana 27.02.2019.godine i to:**

S obzirom da su zastupnici pitali da li je dodjeljena nagrada u iznosu od 50.000 KM za davanje informacije o ubojici Gačiću, imam jedan prijedlog. Naime, koliko znam još uvijek ta sredstva nisu podijeljena, zbog toga što postoje dileme koje prvi dojavio takvo nešto. Veoma je upitno raspisivanje i davaje takve nagrade, ali to nije tema ove moje inicijative. Pokrećem inicijativu, ako su sredstva odobrena za ovu namjenu, da se sredstva ravnomjerno raspodjele porodicama trojice ubijenih policajaca. Znam da to ne može nadoknaditi i nadomjestiti gubitak tim porodicama, ali sasvim sigurno da će možda biti najpravednije, s obzirom da postoje dileme ili trileme ko je prvi dojavio informacije o ubici Gačiću. Ako ne postoji jedinstven stav, navedena sredstva se trebaju dodijeliti porodicama ubijenih policajaca.

#### **ODGOVOR NA POSLANIČKU INICIJATIVU**

Vlada Kantona Sarajevo je donijela Zaključak broj: 02-05-3024-2/19 od 12.02.2019.godine kojim raspisuje nagradu u iznosu od 50.00 KM, za prijavitelje čije informacije dovedu do hapšenja Edina Gačića, po raspisanoj potjernici. Obzirom da Upravi policije Ministarstva unutrašnjih poslova Kantona Sarajevo navedena finansijska sredstva nisu nikada doznačena, niti se nalaze na navedenoj budžetskoj poziciji, Uprava policije nije nadležna da odlučuje o utrošku pomenutih sredstava niti da postupa po dostavljenoj inicijativi.

za **POLICIJSKOG KOMESARA**  
**NAČELNIK SEKTORA KRIMINALISTIČKE POLICIJE**

**Glavni inspektor**

**Milorad Bašić**

